

道咸同光四朝詩史

姚福奎字星五號湘漁江蘇常熟人咸

常州府教授有三湘書室詩鈔

與薛叔耘福成夜話

登樓一見各欣然爐撥寒灰尙未眠助雪作成風路地樓
詩排閭夜談天通家交契慚前輩傳世文章讓少年最惜
侯也多著作劫餘梨棗半雲煙侯子勤叔耘鄉人也

白燕庵懷古

背戴烏巾倒跨牛九峯一老任遨遊春風燕子詩常在東
海鰻魚網未收君作伴狂因避世我來憑弔却生愁麻城
好事今誰繼香火荒涼賸一邱

華亭節婦龔唐氏詩有序

結襦三月樂正長點兵倉卒馬上郎郎行勿作家室戀妾

守空房心不變轉戰淮軍殺賊來賊未翦滅身罹災男兒
尸拌馬革裏何用藁葬煙蒿萊鴟鵂夜叫爲何事詰朝門
前凶問至麻衣雪涕滄城行何處是郎葬埋地呼天號泣
叢翁旁口嚙指血噴淋痕血誠一片感穹壤遺骸檢得還
家鄉妾身亦欲從郎死念郎生前未有子巾幗豈必無程
嬰儻不立孤那延祀食貧課子年復年歲寒節操松筠堅
身不踰閩廿四載見夫地下夫應憐夫爲誰龔寶仁婦唐
氏南滙人疇作詩者姚其姓留俟輜軒采高行

九月十六日夜懷庾香

露氣夜沈沈空齋獨自吟一輪明月影兩地故人心鴻雁
此時到音書何處尋無聊步庭際梧葉滿牆陰

潘祖蔭字伯寅號鄭齋江蘇吳縣人咸豐壬子探花由
編修官至工部尙書兼管順天府府尹 賜諡文勤

井陘

廢壘荒荒滿綠苔淮陰廣武跡俱灰收功唯水囊沙後設
策草山拔幟來殘局一枰秦趙劫交情千古耳餘哀漫將
腐史填胸臆蒿目吾思大將材

壽陽韓文公詩碑

我過壽陽驛來誦昌黎詩何物王庭湊種出阿布思尙書
不與健兒語血衣那記先太師吁嗟縣官實自弱從此朝
廷失魏博侍郎三月向邊城月子團團馬頭落韓愈可惜
知者誰太息獨一元微之嗚呼深州圍解牛元翼君不見
懷光希烈殺齋敕

綿上聚和翁叔平韻

感慨龍蛇字崎嶇雀鼠關橋通十三孔田轉萬重山死者
已淪隱游人只等閒可憐征戰地想像漢唐間

曉發靈石

曉騎初離靈石城樹頭隱隱見銅鉦徑穿韓嶺蠶叢路石
戰汾流龍吼聲戍卒寥寥虛廢壘僕夫草草問郵程似聞
父老猶傳說此地當年屢苦兵

李鴻藻字蘭菴直隸高陽人咸豐壬子翰林由編修歷
官至大學士軍機大臣 賜諡文正

太常仙蝶圖

石上松陰酒一杯太常仙蝶日飛來回頭四十餘年事大
好園亭幾溯洄

侵曉衝寒使節馳錦香鋪裏酒香時仙蹤應爲嘉名現入
蟄驪龍夢未知

高陽才子乘軒日綵袂仙人出鳳城

許信臣先生視泮學時仙蝶常集高陽

許氏郡望也

我與莊周有深契歸植相伴日邊行

靈竒示見亦前緣香到南湖荷芰天我爲道人通一語自
稱臣是酒中仙

同治丙寅年恭進春帖子

丙照誠能久寅恭懍獨深緝熙 天子學兢惕小臣心
宵旰深宮奉 兩宮 恩暉普被萬方同 宸懷悅豫
慈懷慰函夏無塵歲屢豐

地近蓬萊淑氣多自 天錫福沐 恩波漫廣鳳輦鼇山
句願效 虞廷喜起歌

己巳年恭進春帖子

韶華來丙夜淑景麗寅春 是年立春日丙寅正月亦建丙寅 戲綵 龍衣

暖承 歡仰 聖人

烽清畿甸樂銷兵 是年陝西回匪平 鐃吹同聲愜 聖情劔戟胥

將農器鑄百花香裏看春耕

不惜金錢百萬投防河 帝爲兆民謀 菜河工程經費先後由部撥銀百萬

兩桃花浪暖東風早指日鯨波順軌流

張洵字■浙江錢塘人咸豐壬子翰林辛酉十一

月杭城陷殉難 賜諡文節有遺集二卷

題友人秋風出塞圖

雕盤大野草連天
黯黯黃沙接暮煙
秋色玉關來萬里
西風鐵騎動三邊
城頭篳篥催歸夢
酒畔琵琶慘別筵
爲問從軍班令史
可能濡筆勒燕然

書感一首

滄溟東望沒蓬萊
坐遣鯨鯢跋浪開
四海正逢全盛日
六籍誰是出羣材
談兵趙括生猶死
掠地孫恩去復來
定有長城堪保障
幾人冠劍上雲臺

威行萬里靖烽煙
韓范勳名震九邊
一自金牌來北闕
頓教銅柱折南天
奇兵盡撤重洋戍
和議翻摻九府錢
此日

五羊城郭外颶風鱷浪總腥羶

車行雜詩四首

南人慣使船北人慣使馬老髯昂藏來一鞭手自把馬意
善隨人羣集車轅下鞭絲忽一颺征塵起四野馳驅上金
臺孰是空羣者

大車行獨濺小車行郎當車中載行篋車上鋪行裝兩驂
舞於前兩僕坐於旁餽囊何纍纍羅列挂兩行我身卧其
中蜷伏如蠶僵有時擁被坐目向前途望地勢忽高下天
容爲低昂生世歎勞薪浩歌懷故鄉

我性狎波濤出門畏行陸揭來齊魯間千里走僕僕曉起
先雞鳴暮止先鳥宿夢魂時搖搖常若轉輪轂顛風打破
窗昏燈黯茅屋恰憶山居時飽飯夜坦腹

窈窕誰家子紛紛倚門笑征夫未卸鞍琵琶已成調桑麻
今徧野儘耕無人到都學邯鄲倡歌舞矜纖妙鄒魯秉禮
義今乃異風教

聞坐客談某帥事

漢家名將霍票姚玉靶珣弓蜀錦袍幕府文章驚蛟蝶戟
門歌舞鄭櫻桃怒蛙氣早軍前阻鳴鳳聲猶日下高回首
兩年成敗事夕陽無語黯旌旄

醉來

醉來燕市發悲歌易水蕭蕭冷不波游子青衫閒淚少故
人白骨戰場多荒臺日暮思神駿絕塞秋高散橐駝殘劍
摩挲君莫笑十年前事已蹉跎

讀史有感

貨殖曾聞紀子長
漢廷卜式荷恩光
閒情有客思騎鶴
諧語何人笑爛羊
但是神仙皆富貴
本來菽粟卽文章
憑君三復錢神論
爭不名場換利場

絕命詞三首

血戰孤城力已窮
席前借箸竟無功
白雲堆裏吾將去
前輩風流有戴公

醜士侍郎於先一年殉難

往事追思淚泣然
妻孥三命赴清淵
而今收拾全家去
地下重教骨肉圓

篋內猶存 御賜衣
澄懷風景已全非
微臣雖死心猶在
化作杜鵑向北飛

李榕字申甫四川劍州人咸豐壬子翰林散館改主事官至湖南布政使有十三峯書屋詩集

懷人詩 錄四

懷會侯相師

去年八月秋湘中見 朝報相公將東歸躬受 天子勞
再出鎮畿輔聲名宣四隩遠領牧伯長近與樞密告憶昔
駐祁門孤軍絕援犒金陵圍師潰南北相譁譟虎符空自
領雞肋無聊號半夜妖星芒弧矢掩昏眊光弼挾鞞刀孫
子滅炊竈我時參戎幕機局窺幽奧卓哉五丈原或恐秋
風悼紛紛九節度議論等蟬噪公起斫坐案部署安勿躁
九死無他願一步不輕蹈縮地勢短險回天力排奡然此
一星火江皖燎羣盜平生厯困頓詰屈同殷誥內典兵刑

禮外理鹽河漕萬端紛經緯百折窮顛倒大功方未成天
下不贖冒近來益艱苦發憤不知耄黃老文姬孔方能無
嫉媚往營南陵宅欲寄東山傲時危志不遂侯門難卻掃
我今遭罷斥遑敢上頌禱聊以寫相思惡知阿所好浮雲
蔽幽燕黃鵠飛不到愁來天海濶夢想成連操

懷曾少保

咸豐之初季劇盜如毛豨擅爲長髮號始自赤眉備少保
起諸生兄弟翩翩踵天生社稷衛門多將相種金陵再潰
敗王靈幾閉壅公手仗尺劍三楚聽命拱臨敵尙堅忍選
鋒無關尤艱難拔江皖聲威馳關隴一朝露布上五等
丹詔捧龍虎君臣際冰淵侯伯寵竟秘素書訣欲訪黃石
冢功大天亦貪名高人盡悚以世爭讓勞惟公進退勇嗟

余抱拙直社木徒臞廝未營窩安樂屢過湖惶恐湘蒲雨
一載市虎聲洶洶不願舉國非得公一言重丈夫不得志
瑟縮如寒蛩跛者躡莫逆騰躍三百踊平生一瓣香心折
南豐鞏首會郊祁看今乃軾轍奉行行感別離去去歸田
壘回首湘鄉縣萬疊衡雲涌

懷劼剛

我懷湘鄉師門牆志愧忝更愛小坡才大坡名不掩生長
貴家子刻厲過寒儉願其爲詩歌往往起光燄近效山谷
體縱筆如電閃秦晁合同時周召定分陝前年鄂渚別意
氣飛鴻漸長天一垂翅獵獵驚風颭初念事瓦裂尚可磨
圭玷不謂瑜亮厄竟蹈孫龐險和嶠門有市袁安臥無簞
鉤弦自曲直清夜吾何慊凌晨一攬鏡霜鬢忽已染行行

北山去急急飛霧歛謝我金石交守我邸環檢但喻龍蛇
妙何惜馬牛貶倘蒙過庭問可與春風點

懷眉生

吾宗眉山子丰骨自髻鬣昂昂松下鶴羣雞不敢近天生
霹靂手筆下雷聲殷有時特嫵媚狂態驚紅粉有時露槎
枒醉語侵田蚡十年京華客事我如兄謹而我別叔度感
事輒孤憤不復投鼠忌未免逐蠅忿嗟哉命磨蝎譽毀皆
脣吻儀舌許自明陵頸不難刎往者君有願清江問漁隱
更買劍外田黃壤雜赤墻冬日更屋茅夏月編籬槿有女
爲結襦有男爲合衾老境畢婚嫁甘味回茶堊與君汗漫
遊據我平生藟

蔣慶第字簪生直隸玉田人咸豐壬子進士官山東章

邱縣知縣光緒癸卯重宴鹿鳴賞內閣侍讀銜有

友竹山房詩文集

惺甫前輩式理之父前輩文學淵美在諫垣頗著直聲因言事

旨回原衙門會習經贈詩云虛傳賈誼酬宣室徒遣相如賦上林已選入詩史矣又趙侍御炳磨爲余言惺甫之學行悉由家訓也

光緒丙午遊世年已八十有四

解博平任之嶧留別四首 丁巳八月

職事類拘囹笑嘆失真態息茲旬日肩快逾爬體疥嘯歌
神氣夷曠望天宇大爲樂未及已鞭絲動塵堪父老攜榼
來憐我遠行邁馬前爭遮留喧闐溢闐闐翻恨久居此無
德於汝輩遙遙滕南路渺渺千山外樹杪望歸人坡陀漸
冥晦今宵當念我何方駐徵蓋

昔來難具言百里纏兵氣居民半遷徙載塗若羹沸宵巡

動達膳朝食乃至未廣文兩夫子臨戎實果毅登陣爲衆
先區畫見經緯一朝捷書飛驚定更私慰過時餘前痛擊
鼓聲髣髴吾曹匪悠悠贈言古所貴堂阜臣敢忘在莒君
勿諱

前年陽侯虐黃流莽千里去年苦旱暵泉枯井無水原隰
徧生蟻戢戢多於蟻今年更相繼蔓延勢未已豈緊陰陽
愆一錯不復理吾政不節歟感召詎無以以茲中徬徨當
食或失匕我友清獻裔佳聲在人耳巧製驚出手願下
車始三年竟何成瘡痍累君子褊褊忝在前靜言願有批
刊碑頌勳德由來多愧辭荆鞭與截髻乃類羣兒媢自昔
惻惻吏日久存餘思易于麴信陵寂無當時知平生讀書
志懼爲習俗移誰知葫蘆畫依樣無參差重違父老意臨

行聊相持短勒不足珍行腳豈辟支留之亦息壤與約歸
來期

鐵公祠

荷花十頃迎香風湖澹遺廟祠鐵公小舟一葉柳陰下正
衣展步趨靈宮靖難興師檄君側燕南列郡如撥麩德州
奔潰濟南迫底柱思挽橫流東參政奇謀媿卽墨降書一
夕驚盲聾千鈞之版碎馬首副車博浪將毋同持糧三月
盡則去墨守豈畏公輸攻惜哉魯陽不返日乃使曲沃居
成功反背九死恥相向矧肯屈節爲卑躬鐵性百鍊不繞
指寸寸折入紅鑪紅方公麻衣景公刃亘天一氣連長虹
翦除幸不爲瓜蔓金陀遺裔延精忠牆陰鑱石字磊磊北
平學士蘇齋翁賢守深宵得奇貌豈非曠世能感通胡不

肖形伏階屺少師廣孝臣景隆至今祠樹欲南指如聞蜀
魄號江楓簷端一縷篆煙裊莫令燕子飛簾櫳

大學士閻文介公輓詩四首

屏迹司空谷歸神傳說巖 新恩昭典備故吏賸悲衢道
直身名泰時艱進退嚴平生憂國淚長漬舊朝衫

陽春誰一曲里耳借紛紛補贖心何苦明農政不問西歸

空袞繡上將自風雲亦有王思遠

謂王芸
軒太守

真慚汗馬勳

建牙資靜鎮衢壤海西偏曲突籌先事潢池靖未然鄭僑
人孰嗣隨會法終傳世上邪從觸神羊莫嫉賢

中台非不遇偉抱自難抒謝墅無多暇尤堂直遂初大農
勞未已屬國意何如蜀相爭祠廟公靈謝肯居

元祐黨籍碑

正士安能免此周刊章又見漢京秋天憐洛蜀彰同氣水
導荆舒歎末流朝局幾更星象譴榮名片詰石工留先幾
示戒廬陵史驗禍誰爲作備謀

菁衫謂海沂山人秋柳詩感衡府宮人作也爲圖賦
之四題四首

名士開軒建鼓旂一林殘柳鬢煙絲庄中慘綠孫公子應
識靈和舊日姿

不道灣頭遇小憐卻從家國感當年碧蕪東走平陵道塵
鹿荒臺一惘然

絳鼓黃箱百感滋清商長感郢中兒諸家爭續康成譜幾
誤西崑錦瑟詩

七賢倚醉半娑娑悽絕當筵一曲歌只寫荻花楓葉怨滄

陽未抵此情多

題王豐垣先生逸事

名公耀玉田人明諸生
屢徵不就居瞿曇菴僧服終身

國朝

草莽難忘勝國恩
衣冠不改託禪門
網羅寬大閉容鳥
薇蕨含咀苦到根
幾輩貳臣人齒冷
孤忠一介古心存
雙桐未讓三槐宅
儒素今傳十葉孫

菁衫贈聯云
生起祠堂仲卿未橫閱
文界老泉能竊媿其言
再次前韻奉答

荒倉迺復厠文流
老氣君能橫九州
匠巧運斤聊藉郢兵
屏勝楚詎問鄒
幾人顏赧潮陽廟
世事絲琴海市樓
猶有謳謠閩孟度
瓣香頂禮待同遊

君議建閩文介公祠

詠史

樊侯竟可斬十萬不橫行
獨有中行說能持漢重輕

許宗衡字海秋江蘇上元人咸豐壬子進士官起居注

主事有玉井山館詩集十五卷

甘泉李汝鈞跋云君好以詩文自娛當其

冥心孤寄緣事輒發高古沈鬱哀厲以長遠近傳寫靡不嗟歎而要之君之所以爲詩者亦卒無有能知其故也

紀事詩

皇帝未北狩舉 朝方晏然魚龍戲曼衍拜手觴萬年維

時夏六月兵氣南斗纏熒惑駭星變民間多譏言觥觥陸

御史抗疏陳大篇倏忽七月交鼙鼓津門喧樞輔旣引退

列卿還遷延魍魎走白日鵬鸞迷青天前軍相交綏駭獸

如散煙 朝議易翻覆撫戰兩未堅秘策宋南渡預計周

東遷猶恃拓羯兵庶幾孤守邊一人有棄甲萬馬無迴鞭

似聞矢河湟未敢盟澶淵 六飛諫未出 兩詔衆所傳

威欲熊羆申誅或鯨鯢駢夸禍二十載得此如轉圜開關
孰延敵火已燎於原袖手思張弓無由弼勁莖王公既失
險壞雲墮郊挺黯黯八月秋萬樹霜華寒光祿中槍退丞
相策騎旋空勞懿親議難仗藩王賢己巳日未午慘澹旌
旂翻倉卒羽林兒影影遑整冠緹衣亦顛倒過行指木蘭
涼風起邊色疲馬嘶聲酸啞啞白項烏回首長楊間關雲
夜慘黷頗似延秋門爾時我 皇意豈不思多艱大業二
百載 聖德垂便蕃弧矢定四海梯航方交驩 朝廷失
砥柱滄海生波瀾昨者獲巨寇譬鳥鍛羽翰呼吸一夫命
崢嶸千鬼環狡計縱飛火殿閣何斑斕血色昆明湖電掣
諸峰殷疑是犬戎禍傳烽悲驪山豈比阿房災焦土同一
歎急縱虎出柙遑惜駒伏轡鮮卑竟姑息惕隱宜生還有

功異回紇無厭類契丹介弟非仗鉞進退空觸藩道負征
虜任絳慮和戎愆諺忌鼠投器詩刺蠅止樊躊躇起四顧
但求宗社安古來重悔禍咸以殷憂先挽回術無他感
召理有權信果格豚魚治可舞羽干西山轉蒼鬱王氣猶
龍蟠君側必大儒中興誠非難

書感四首

秋氣忽蕭瑟客心愁未央浮名真腐鼠舊事總亡羊誰識
邳都尉翻嗤賈洛陽中原正戎馬無路向滄浪

食貨無勞志農商人未蘇五銖忘舊式三品恐新租征調
原難已縉車豈易輸艱危思漢法令出少踟躕

上計今何若空令盜賊生誰能辨功罪何日立勳名攷合
陽城下言難李渤平除書忍輕拜應解慰編氓

一笑魏王瓠枝官殊可哀家山舊泉石老屋莽蒿萊落日
低鄰樹迴風掃碧苔斯人爲誰出雙鬢滿塵埃

送宗湘文

源瀚

太守入浙

蓬壺浩蕩紫瀾開太守乘風破浪回

君航海來京有宗慈風

莫仗歌

吟同越客早傳聲價重燕臺一麾江海功名遠十歲創夷
父老哀君看西冷好明月湖山深望濟時才

壺園

朱坊紫陌宣南路舊井秋槐尙夕陽

地在米市胡同門有井又有老槐一株

當日園林盛賓客一時文譙有滄桑殘簫斷竹橫莎壁斜
月蒼苔冷石床我自編籬重惆悵卅年花事已茫茫

周士清字次軒浙江海鹽人咸豐壬子舉人有享金齋

詩集

毘陵逸

賊通常洲督部何棄常走蘇州復自蘇地逸也

檀公三十有六計上計莫如急走避輕裝小隊出蘭陵別
覓江南乾淨地江南何地非戰場長城萬里公保障父老
勸公莫輕去官民協力籌堵防公言死此何裨汝不用與
城爲存亡朝發毘陵驛夕至金閭城城中吏民頓大驚料
賊踵至不少停留公適以禍蒼生世有樂土公請行君不
見騶從傳呼又他去明日賊來不知處

吳市焚

援兵至蘇中丞傳令清野結營火城外民居殆盡也

峩峩七寶城攘攘五都市十萬風花豔朱紫大江以南那
有此百蟲將軍爛然起烈焰燎原不可止孰殃池魚甲冑

士節鉞元戎聽驅使檄諭居民連夜徙萬眾奔號劫灰裏
融風一吹玉石燬金穴銅山氣盡死焦頭爛額恨切齒可
憐無辜爾赤子噫吁嘻赤眉未入長安城咸陽一炬草木
頽似聞清野欲堅壁曾結連城幾座營

火後城外究未結一營

姑蘇陷

內兵叛應外賊賊未至叛兵夜半突起破城也

十日連摧城百雉萬夫不加敵一矢陣雲低壓闔閭城如
墨吳軍氣色死昨日賊圍曲阿口今日賊從惠山走睢陽
將軍力不守

張副帥國樑

督部倉皇喪家狗汴州軍亂戕留後

傾刻滿城紅帕首健兒拔刀作獅吼手提髑髏大於斗
纍金印失懸肘芒屨習奔十八九曾有一人巷戰否嗚呼
賊未破城城四開如鬼如蜮何處來官兵夜襲姑蘇臺

王闓運字壬父一字壬秋號湘綺湖南湘潭人咸豐乙卯舉人光緒戊申薦舉耆舊奉旨賞給翰林院檢

討有湘綺廬詩文集

圓明園詞

原集有徐叔鴻觀察樹鈞作序今不錄別入師鄭堂詩話中或云序卽王老所自爲

宜春園中螢火飛建章長樂柳千圍離宮從來奉遊豫皇
居那復在郊圻舊池澄綠流燕薊洗馬高粱遊牧地北藩
本鎮故元都西山自擁與王氣九衢塵起暗連天辰極星
移北斗邊溝洫填淤成斥鹵宮廷映帶覩泉原渟泓稍見
丹棱泝陂陀先起暢春園暢春風光秀南苑蜺旌鳳蓋長
遊晏地靈不惜巖山湖天題更劫圓明殿圓明始賜在潛
龍因向邸第作郊宮十八籬門隨曲澗七楹正殿倚喬松
軒堂四十皆依水山石參差盡亞風甘泉避暑因留蹕長

揚扈從且張弓

純皇纘業當全盛江海無波待遊幸行

所留連賞四圍畫師寫放開雙境誰道江南風景佳移天

縮地在君懷當時只擬成靈囿小費何曾數露臺殷勤毋

佚箴驕念豈意元皇失恭儉秋獮俄聞罷木蘭妖氛暗已

傳離坎吏治陵遲民困瘁長鯨跋浪海波枯始驚計吏憂

財賦欲賣行官助轉輸沈吟五十年前事厝火薪邊然已

至揭竿敢欲犯阿房探丸早見誅文吏此時先帝見憂

危詔選三臣出視師宣室無人侍前席郊壇有恨哭遺黎

年年輦路看春草處處傷心對花鳥玉女投壺強笑歌金

杯擲酒連昏曉四時景物愛郊居元冬入內望春初嫋嫋

四春隨鳳輦沈沈五夜遞銅魚內裝頗學崔家髻諷諫頰

除姜后珥玉路旋悲車轂鳴金鑾莫問殘燈事鼎湖弓劍

恨空還郊壘風煙一炬間玉泉悲咽昆明塞惟有銅犀守
荆棘青芝岫裏狐夜啼繡漪橋下魚空泣何人老監福圍
門曾綴朝班奉至尊昔日喧闐厭朝貴於今寂寞喜遊人
遊人朝貴殊喧寂偶來無復金闈客賢良門閉有殘瓢光
明殿燬尋積壁 文宗新構清輝堂爲近前湖納曉光妖
夢林神辭二品佛城舍衛散諸方湖中蒲稗依依長階前
蒿艾蕭蕭響枯樹重抽盜作薪遊鱗暫躍驚逢網別有開
雲鏤月臺太平 三聖昔同來甯知亂竹侵苔出不見春
花泣露開平湖西去軒亭在題壁銀鈎連到薤金梯步步
度蓮花綠窗處處留螺黛當時倉卒動鈴鈴駝守宮上直餘
嬪娥蘆笳短吹隨秋月豆粥長飢望熱河上東門開胡雛
過正有王公班道左敵兵未蕪雍門荻牧童已見驪山火

應憐蓬島一孤臣欲持高絜比靈均丞相避兵生取節徒
人拒寇死當門卽今福海冤如海誰信神州尙有神百年
成毀何恩促四海荒殘如在目丹城紫禁猶可歸豈聞江
燕巢林木廢宇傾基君好看艱危始識中興難已懲御史
言修復休遣中官織錦紈錦紈枉竭江南賦鴛文龍爪生
還故縱饒結彩大宮門何如舊日西湖路西湖地薄比鄒
瑕武清暫住已傾家惟應魚稻資民利莫教鶯柳鬥宮花
詞臣詎解論都賦挽輅難移幸雒車相如徒有上林頌不
遇良時空自嗟

憶昔行與胡吉士論詩因及翰林文學

憶昔宣皇重文翰封疆選帥先詞館諸儒白首戀青衿
一旦翻飛入霄漢乾嘉經學久益衰方姚義法強相推秦

翁識字啟帝學殿廷破體有別裁幼學程文長卷摺平生
不用他途雜我年十五讀離騷塾師掣卷飄秋葉武岡二
鄧來誦詩正值袁張名盛時湘中跌宕六名士流傳篇什
俗點蚩城南論交得龍李標置虛聲稱五子江州響應有
三君羅山夜中驚倒屣李何復古已優孟湘社論詩更苛
政不從李杜爭光芒甘與齊梁拈競病就中吳縣最苦吟
截斷字句成霍欽范生死去許侯吃白香亭外無知音中
興進士一雙半喜入鄭奩龍樹宴曾侯好文不好詩早破
梅生安字眼此時宋學破樊籬孫生憂國淚黏髭學宮建
議祀荀許幾何求也稱先師數術無端成化學大治鴻鈞
金踊躍老來笑謝諸少年時復高吟弔吳郭東洲下帷看
杏花偶逢翰苑話詩家因君復夢玉堂事翩然意氣凌丹

四庫詩身月集卷三
霞彰澤廬山久寥寂歐王黃揚不足憶東湖高詠天地春
散原松靑桂花白碣石滹沱舊跡空烽塵滿眼度遼東白
面談兵仗翁李珠槃割地走徵鴻金殿論思朝復暮如今
共道詩書誤甯知門外五噫人更有賈生三表疏五十年
來事事新只餘詩句尙驚人我歌君飲莫辭醉明日征帆
挂白雲

丁尙書總督四川閱兵西南邊留權縣過六十生日
以避寮吏稱祝寄詩調之因以爲頌

雄鎮常經武新恩命撰徒息民冬蜡樂觀稼夏苗鋪令簡
稀隨吏心清減驛厨巡邊兼避俗負弩莫爭趨

蕃部通三藏軍疲氣始驕應憐蠻瘠苦甯倚蜀豐饒曲突
深謀久松嶺迴望還老臣憂國意非是慕彤昭

斥鷃恒相笑，霜鷹暫一伸。元樞資長養，國體在平均。還幃
薰風度，停車稻雨新。休瞻雪山峻，高意託嶠岷。時方劾罷某接察
早已忘身世，何煩更祝釐。精勤延壽久，淡泊養生宜。白髮
尊元老，青城賸紫芝。不嫌齋舍冷，猶有酒盈卮。

甲午游仙詩五首

湘瑟秋清嫩，更彈只言騎。虎賁驂鸞東，華舊史猶簪筆南。
嶽真妃枉降壇，叔夜倘憑金換骨。陳平何用玉爲冠，淮王
自許能驕貴。卻被人呼作下官。

只學吹簫便得仙，蜺旌絳節領諸天。定知吳質難成夢，不
與洪厓更拍肩。金闕未辭先受錄，神山欲望恐無船。晨雞
夜半空回首，驚怪人間但早眠。

新承鳳詔發金闈，爭看河西墜馬郎。幸不倚吳持玉斧，可

能窺宋出東牆勞搓仙帶招燕使只借天錢辦聘裝曾受
茅君兄弟訣休將十賚損華陽

鬱金堂內下重幃玉女無眠但掩扉塵暗素書長自讀月
明烏鵲定何依蛇珠未必能開霧鴛錦猶聞勸織機莫道
素蛾偏耐冷爲君寒透五銖衣

東皇眞誥有新封朵殿親題御墨濃眉嫵不描張做筆額
黃猶待景吼陽鐘仙家往事如棋局夜宴來時帶酒容青鵲
定知王母音息幾從瑤島駕雙龍

翁同龢字瓶笙江蘇常熟人咸豐丙辰狀元官至軍機

大臣戶部尚書協辦大學士

題薛母郭恭人諉閣課讀圖

淮生侍御之德配袁太常之外姑

苗夫人墓昌黎文匱千載後見袁君袁君一傳忠孝筆世人題詠徒紛紛偉哉賢母有賢子手抱遺圖淚盈紙過江風雨黑如翳訪我山中我病矣夫人教子兼教女女實漸西袁氏婦袁君拜疏天地驚舉室倉皇無處所慙乎奉教勿敢驕曰勤曰儉曰擇交皆太夫人垂訓語龢也終身負母訓痛念先皇兩字褒同治十年龢母卹典有賢母之恩諭

附錄瓶師原跋

光緒辛丑六月慕淮世兄迂道過訪

奉郭太恭人諉閣課讀圖命題病中率呈一詩書於別

幅慕淮歸舟覆水得免而書帙盡失幸斯圖未在篋也

四庫全書
蘇詩卷之三
十一
慕淮請予補書而予病益劇中秋前乃稍起勉強涉筆
彌增悚歎 是月五日翁同龢謹記於西山墓廬

次俞甥漁隱索書楹帖詩元韻

十年長閣筆一笑忽塗鴉米老腕無鬼蘇公眼有花祇應
吞白鹿豈敢畫丹沙

余不能寫紅紙

君欲觀雲篆還尋蔡少霞

昨歸又得漁隱詩簡何婉而深也拙書不足言謝漫

答其意

二首均倒用前韻

平生湖海氣鬱律動青霞久矣欲投筆何曾解畫沙大書
愁殿榜細字怯鐙花祇有白團扇時時誤點鴉

側聞漁隱客天半自朱霞太息長瓶老需雲亦在沙洞庭
驚木葉秋圃愧黃花不見西飛鶴愁來數暮鴉

調物疊韻見示且云禪漁聯唱已成巨卷矣漫賦二

首以答之

金昌西去小秦淮，淡冶湖山處處佳。試劍石邊豪氣在，還

元閣下故人懷。謂詩鶴巢卽今翦翮樊籠閉，安得隨身笠屐偕。

或勸遊鄧尉愧未能答聞道漁歌最瀟灑，木魚禪誦恐非儕。

上元已過未開樽，坐覺輕絲特地溫。限韻詩成頻檢字，談

空客去且關門。葉公頃見訪愁吟杜老頭如雪，喜詠坡公竹有

孫。明日正逢燕九節，咬春雅集問諸昆。與余昆弟交者今有二人皆在京師

無錫劉石香。羅會調卿好友也，庚子閏中秋冒雨過。

訪調卿有詩因次其韻

九龍祠下我頻遊，第二泉邊輒滯留。此去曩臣同屈賈，敢

將餘子比曹劉。空山風雨三椽屋，滿地江湖一葉舟。莫詠

轉蓬攀桂句，天涯何處是中秋。

今雨還同舊雨來，愁顏暫逐笑顏開。三閩後裔空懷楚。

堂大令

司戶參軍尙憶台。

陳幼庚在台州兩君皆甥至交

自有性情敦古誼。

豈因詩畫掩奇才。

石香江左名士通達古今兼工詩畫

挹青樓小纔容席卽

作元龍百尺猜。

奉酬石香見懷之作并題寄漚書巢圖

平生六鑿攘天遊，文囿名場亦暫留。江上偶然餘一禿，世人猶自說三劉。薄寒正蠟尋山屐，夜雨偏回泛剡舟。萬衆天涯同悵望，未容宋玉獨悲秋。

一漚一發一如來，處處圓明性地開。難得甘黃學下澤，莫因寒拾鈍天台。尖風冷月無邊相，瘦竹孤花未易才。山鳥不知吟獻事，看人展卷輒疑猜。

題馮尹平年伯遺書

寂寂闔扉冷畫禪，郎官竊笑隸人憐。
臺烏知赦渾難信，籠鶴驚秋耿不眠。
揮灑默傷天壤大，儲藏分付子孫賢。
皋陶祠下東頭屋，記我連牀讀易年。
壬戌癸亥之際先文勤兄在請室余日月往來其中
亭林笑事怒沈河，吳季徒聞出塞歌。
闔戶捐軀今有幾，先卒後一子陣亡妾女殉難棄官負骨痛如何。
完巢生死恩難報，題墓榮哀事已多。
兩卷丹青俱血淚，勉承先志莫跬跬。

口占和俞甥漁隱韻

新詩如彈酒如淮，想見漁翁意興佳。
風信暖占天下福，雨聲春入萬民懷。
齊眉鶴侶年年健，接翼鵝雛處處偕。
謂應試兩

令孫書紀歲華還一笑，東塗西抹是吾儕。

老夫無意把芳樽，手炷爐香炭尙溫。
投刺客稀勞駐馬，縫

衣僕醉嬾應門清齋對影呼梅丈同舍分甘餉竹孫聞道
城南有詞客頻將珠玉答金昆

兼示俞君寶元日之作

春雪次韻仍示源隱

朔風吹雨過長淮千里郊原秀色佳歛爾疾雷驚衆聽旋
看飛雪軫予懷五行寒燠陰陽繫一歲豐凶性命借學道
未能勤學稼樊須本是小人儕

安得莊生五石樽徧沾寒士使微溫溼薪破竈愁居室綵
勝春鐙靜掩門躡屐送詩煩侍史呵毫寫韻喜諸孫

來詩是令

孫所

書范公橋畔閒吟客定有名章繼二昆

謂命門

定興道中七夕同潘鄭齋作

戊午

燕臺回首樹冥冥尙見西山未了青薄醉豈能消積痼遠
遊終是逐浮名鳳低蟬翼知成夢魚枕鳧燈喚不醒人事

變更誰料得涿州城下看雙星

案是年翁潘兩師同典陝西鄉試翁師因湯夫人之

遊故三四聯云然潘師和作有青天碧海感離合綠酒紅燈幾醉醒之句又翁師有驛亭聽雨圖亦是時作師鄭識

臨倪文正梅花一幅附題小詩

并序

倪文正公梅花橫幅末署壬午冬寫按壬午爲崇禎十五年是時公年四十有九公旣以言事爲烏程相國所忌落職閒住至十五年九月起兵部侍郎明年抵都拜戶部尙書作此畫時正當拜命之後啟行之先也畫後書四十初度詩四首蓋補錄十年前作今余年亦四十有九矣悲公之志臨其畫并系以詩

要典焚殘士路清一篇黨論太分明相公煞費擠排力破帽騎驢了此生

逐客偏蒙詔語溫
論兵籌餉已無門
蕭寥落筆雲林畫
中有憂時血淚痕

題何潤甫草堂情話圖

泰州池臺天下奇
喬公風節世所師
名賢勝地不兩遭
何生甥館兼得之
何生之婦喬氏子
婦翁有叔秉節麾
是時東南亂初定
暫專一壑荒江湄
奇書古畫漸完聚
高松矮竹紛離披
東山別墅客不到
坦腹獨許王郎隨
親情喜氣益如酒
談笑來往無窮期
寫圖紀事亦何意
俛仰陳迹傷別離
一官豈敵秀才好
萬事不如年少時
何生攜圖索我詩
我懶成病旁人嗤
擘窠題署嗟力薄
灑墨補空徒爾爲
喬公已入循吏傳
生平漸老郎曹司
三峰艸堂渺何處
孤雲落日天南陲
東風割地海棠過
短句聊慰長相思

孫毓汶字萊山山東濟甯人咸豐丙辰榜眼由編修官

至兵部尙書軍機大臣 賜諡文恪

癸酉

和王中丞

凱泰

文闡監臨卽事原韻

廣廈 恩覃顓俊年歡聲徧播海南天選材鄒魯探源盛

跋浪滄溟得氣先月滿庾樓開獨照潮吞枚筆話前緣范

韓威望兼山斗奎壁光騰六纛邊

赤水全供象罔求越臺碑頌接杭州應元院啟儲魁選儲
用堂開納海流桂葉常教清露洗梅花又見古香留一番
蕭艾芟除盡滿擷梗枻待匠收

西門暗識柳千株皎月澄潭濯魄俱能使怖頭無幻鏡早

從摘領得神珠勿欺久奉希文戒

庚戌會試題爲誠意章首二句中丞脫稿後焚

香自誓期奉此二語終始不渝遂以是科登第

作健還憑甯武愚比似煎茶辨魚

嶼官居真不負蓬壺

東坡催試官詩有况我官居似蓬島之句

廿年聯轡逐詞場
跋躡還思效濟蹌
薄酒自澆終愧魯
名花同賞不觀唐
高風並世親元禮
古誼逢人說孝章

余別除童

試積弊中丞每以同心相獎

惆悵離心牽歲暮
雪天吟望聚星堂

馮端本字子立河南祥符人咸豐丙辰進士由刑部主

事歷官廣東廣州府知府升廣東鹽運使

詩稿甚富均在日記

中山令子果卿觀察汝桓手鈔成帙尚未付刊余選茲編時果卿鈔示二百餘首均卓然成家之作居官

亦著

循壽

樂巴

尙書正朝一嘆酒成都雨潑祝融走大風挾霧歸故鄉漢
廷蜺墮天無光初作黃門後領郡宦迹離奇不可問巷伯
自稱陽氣通定禮興學如文翁廬山神噤不語黃父鬼將
去汝墨史象彊盡遁逃何況城狐與社鼠從古事鬼先事
人侃侃忠義驚明神淮南雞犬亦仙去雖有道術無君臣
傷哉陳寶實梁木棟朽榱崩厦隨覆使臣不幸爲神仙君
不見上書流涕有梅福

梅花 四首錄三

綽約仙人萼綠華
忽持條脫到羊家
人間煙火何曾慣
趁著東風散綺霞

小紅淡白總無奇
那怕容顏不入時
學得遠山眉黛好
天然點綴雪霜姿

夢覺羅浮酒尚溫
啁啾翠羽欲消魂
等閒珠玉休矜貴
咳唾都成紺碧痕

九弟約赴園詩以奮之

畦蔬麥飯足田園
捫腹逍遙自慰存
酒引詩懷開晚景
春催花氣上閒門
紙窗夜響知風厲
茶竈朝寒待火溫
積雪漸消沙漸穩
好驅下澤向山村

始皇

會稽馳道入琅琊歸去輻輳換翠華古籍縱焚猶有燼阿
房未燬已無家東門不復牽黃犬大澤猶聞泣白蛇莫恨
亡夷宮內事只應俯首買長沙

春夜感懷

矯首山阿有所思結蘭攀桂與佳期鳥因啼月宿難定花
不向陽開總遲三徑荒涼陶令酒半生羈旅杜陵詩韶華
未具如虹氣何況飄蕭兩鬢絲

怡園續詠

遊人何事到山家半爲青山半爲花小憩儘堪酬渴想玉
泉泉水促烹茶

晴巒滿目散幽期盡日登臨不覺疲遙望白雲最深處祇
疑酣睡有希夷

嶺南曾識抗風軒十載歸來學灌園費盡機心成底事當
門一幅畫桃源

三面玻璃映水寒隔牆鑿空出杯盤坐中不少耽吟客應
作行厨竹裏看

愛讀南華爲處陰君公自况意何深不知門外往來者誰
識區區一片心

果然平地起峰巒有志何憂成事難始信愚公非誑我相
期努力共加餐

溪山不盡坐聽風咫尺偏教遠勢工時有吟聲無覓處水
花香裏一詩翁

撲水楊花雨乍晴赤闌流水見魚行靜依蒲藻無驚竄聽
慣幽人杖履聲

東坡風味擅黃州去後勞人感舊遊我亦難忘春覺茶故
園煙雨不勝愁

午倦拋書夢不成泉鳴石罅玉琴聲毛詩爾雅俱堪證
薄入胷襟一例清

自遣

遲暮追齟齬殘燈對月初不眠數更漏多病習方書舉酒
無佳客依山有敝廬登臨猶自喜豪氣未全除

讀三國志五十首錄十六首

枹鼓登陣日秦庭泣血心報書千古事何止愧陳琳

恥賣盧龍塞辭榮義最高烏丸仇已復誰得屈英豪

長揖橫刀出山東唱義兵卻慙田別駕徒自壞長城

何處堪容足人傳谷口風逃名名更著不是戀遼東

縱有登樓賦誰爲倒屣人荆州依不得歸去伴徐陳王粲

衡蓋寧廢事時復一中之通介隨人指乃心終不移徐邈

談笑無餘子英雄惟使君不須鑿赤壁天意已三分魏武

卽鹿聞幾諫油然父子親從來射雕手心折放麋人魏文

才名冠建安寵亦怨之端揮涕辭京闕爲臣良獨難陳思

執筭誰當世參擿豈酒狂獨憐嬰武賦不似奏漁陽正平

六國非秦耦唇亡齒必寒臥龍終不起割據忍猶難昭烈

蛟龍得雲雨魚水契君臣隴畝勞三顧風流第一人武侯

畫策參龍鳳風雲胸中興無端亂方寸不忍效王陵徐庶

乘龍得兩郎英發照容光銅雀猶凝望春深空斷腸二喬

抵掌談王業何慙高密侯一心圖犄角寧悔借荆州魯肅

不見孔文舉豈容虞仲翔六爻占未盡遺恨海天長虞翻

李文田字芍農號仲約廣東順德人咸豐己未探花由

編修官至禮部左侍郎有李宗伯集

未刊僅刊元秘史注等書

癸巳視學畿輔道中雜詩

漁陽東部古藩屏城闕蒼藁鎖渤溟嵐氣宵深連海白燒
痕春暖入關青天臨碣石星分尾地接巫閭屋建瓴且喜
興中烽火靜麥疇殘雪潤郊坰 右永平郡樓

左臨虎北右飛狐舊國千年憶霸圖絕塞關山秦上谷極
天嵐采漢軍都明昌廢苑生禾黍統漠荒臺長樺榆樵牧
不知兵燹事沙陀斜日覓湛盧 右宣化道中作

牛頭山下石槽西故壘當時化縷隄恩重盃池營第宅勳
銘街塔紀招提傳聞白海屯軍盡想像紅橋戰馬嘶重向
隋羅臺上望翠岑千疊總淒迷 右順義縣懷古

上都宮殿概煙霞巡幸年年說帝家龍虎平臺稱捺寶鸞
鴛名灤近亨嘉陪京四達興和路恨事千秋晃忽又惆悵
聲明剛未造鋪張文集徧中華 右多倫諾爾懷古

阿爾臺山白草肥萬安宮殿舊都畿當年突厥兼回鶻兩
代牙庭化夕暉 以下三首係詠萬安宮遺址

鄂勒昆河足射雕昔令哥水綠迢迢金蓮池醉溫泉獵誰
管元昌王氣銷

斷瓦殘當歲月深沿河翁仲草蕭森碎碑滿地無人拾歎
息圭塘許翰林

題孫師鄭儀禮補注稿後

儀鄭顏堂後江王亦擅名百年誰獨步二妙共馳聲
服社箋三禮班揚賦兩京相期扶漢學俗響鳩蛙鳴

諸孫
仲容

嚴辰字縉生號芝僧浙江桐鄉人咸豐己未翰林壬

戌散館改官刑部主事有墨花吟館詩鈔

都門事定賦呈趙蓉舫師仍疊授書詩韻

奇事眞開二百年是非他日付青編
洽標藥有重生驗救劫棋差一著先
但使六龍終息浪定知八駿不求仙
小臣欲獻迎 鑾頌萬里 君門未有緣

回天有力未嫌遲 讜論先愁聽者疲
大厦原須羣木拄洪流漫擬一篙施
黃巾叛漢甘爲賊回紇尊唐願助師
正是乾坤旋轉會事機慎勿失今時

十一月入直 武英殿紀事

會叨領袖詠霓裳 覬此條冰願未償
漫道守株終得兔須

知告朔已無羊

玉堂舊典庶常大課前列送修留館人員轉不得與去歲大課余屢添

武英殿

舉首而掌院忽改爲敘資揆送遂不得
與今年因病未與散館茲乃得以資送
校書日待趨金殿
獻賦時還步玉堂喜有懷珠堪記事詞垣掌故免遺忘
送殿差
方得掛珠

西歸口號十八首

又名同治錄十六首 聖德詩

忽聞詔下殛凶頑從此乾坤得轉圜
翻徧史書曾未有六齡天子手鋤姦

十亂雖經數邑姜未傳母訓告成王女中堯舜今眞見
宋室宣仁那足當

甘露謀疏竟失臣非常舉動要如神
不圖揭地掀天事轉出宮闈
兩聖人

欲安反側免株連宵小銜恩到九泉
讀到數行寬大詔方知聖度本如天

功在交闕四海知三監伏罪更無辭賢王親貴流言息才
比周公福過之

東南將帥昧和衷頻歲遷延未奏功今日登壇當大任辦
香四海祝南豐

賊勢將成欲潰癰鄉邦流毒恨無窮莫言醫國無和緩祇
盼邱明速奏功

織女支機石最奇化爲傑士佐昌期呼天欲告東方朔京
尹居然用伯夷

廷辨當年號直臣無端改節效元稹東山若再二三年卧
詔下徵賢首此人

潢池盜弄本吾民新政宜民萬物春但使民彝猶未泯一
齊反正脫黃巾

傳聞盛事紀詞臣海宴河清瑞畢臻

山東山西甘肅皆有河清之瑞

更喜

西行親載筆象生晉地鳳鳴秦

陝右岐山有鳴鳳之祥山西平陽府襄陵縣有雒生

象

曾受 先皇一日知哀然名字玷彤墀小臣未敢他途進

容有 君前淚落時

登車攬轡志澄清無復憂天百慮生忽聽鈴聲飛騎過不

知何處報紅旌

歸去全無陸賈裝空教驛路飽風霜獨誇攜得中興頌待

欲臨摹獻我 皇

喜過盧溝展畫輪暴關不復困征人雪來柳往時無幾除

卻西山事事新

臣家兒女有何知聞說那歸樂不支開口家常俱未道同

聲先說遇 清時

壬戌散館復忝首列恭奉 懿旨罪其賦體專事掄

揚降置十名引對日改官郎署重隸刑曹述事感

懷得詩十二律 錄五首

兩冠蓬山了不奇

已未朝考 曾忝首列

誰知薄命竟難支大言忽

觸雷霆怒小謫終叨雨露私 聖詔猶聞褒寓貶臣衷深

愧頌忘規文章報國今無分歌詠昇平剩有詩

承明著作馬班儔揚厲鋪張賦體優頌美自沿前哲例導

諛偏切聖人憂 兩宮謙德超今古一介庸儒泯怨尤

懿訓煌煌俾大典

尋常政事皆奉 諭此次獨奉

懿旨

賤名轉喜附千秋

獻賦前番阻病魔未容薄技奏

鑿坡

庚申散館余以頭 風未能與試是年

詩題高超百尺嵐爲東坡入峽詩諸君皆不 弄人造物情 詳出處而余頗能記憶故師友皆爲余惜也

何巧誤我成名罰太苛不遇非關知已少無才豈悔讀書
多祇慙孤負 先皇鑒 御試曾登片玉科

改元初政小臣知不覺詭吟念在茲 聖德已歌同治代

去歲自秦西歸途次喜聞新政 民心欲賦中興詩 賦題爲

會作同治 聖德詩十八章 公卿頗索相如稿 詔下後頗有 海字終

天下以仁爲韵 傳石介詩一語差堪千古質願揚諂媚究分歧

遭際由來義命安祇嫌傲骨換無丹半生險阻嘗眞徧一

第蹉跎得大難略有狂名傳酒伴從無關節到朝官可憐

饑走空皮骨猶有人將肉漢看

王景誠字孟調浙江山陰人咸豐己未副貢有西鳧詩

詞殘草二卷

奉侍叔父中丞公持節巡河馬上口號

滾滾長河繞節樓趨陪旌仗得閒遊清門子弟關人事亂
世文章畏濁流瘦馬嘶寒先報曙餘梁閣雨不能秋瘡痍
滿眼誰應起枉費儒巾發古愁

陳庶常

壽祺

登第假歸間道出大梁過訪席上送別

讀書廿年爭此日射策金門未三十西風千里錦袍秋獻
壽高堂健猶昔悲君少孤奉母居穰燈蘿屋傳遺書春官
數謁良苦別賴有燕婉能娛姑三日芙蓉鏡中曉看君親
製泥金報上有百拜加餐飯下言兒貴歸來早藍子花落
槐花黃摩訶一曲冰絲涼衫巾連臂踏春月毬仗扶頭迴

夕陽花光上酒春心熱爛醉直須三萬日平生一試丈夫
豪亂世可憐名士拙長年冷粥山厨寒一朝意氣教人看
文章有用甯獨是富貴逼人如此難我昔別君向西走已
分雲泥終古割不道天涯落葉堆尙有今宵一尊酒老母
倚戶妻停機行矣馬蹄無再遲卧龍山北早梅發堂上康
強報我知

聞江南軍聲太捷喜而不寐作此

四首
錄二

夜火落星旄江聲走賊壕力窮名將出思重戰功高酒灑
匈奴血花明日本刀 九重深望捷庶以慰憂勞

反正亦何害雲臺畫李忠酸辛謝妻子慷慨赴奇功屬國
尊都護殊恩拜總戎亟須嚴賞罰東國酒漿空

孫詒經字子授浙江仁和人咸豐庚申翰林官至戶部

左侍郎 毓慶宮授讀

黃孝侯侍郎招飲卽席賦呈與潘伯寅同作

漫向軍前賦六韜流連詩酒屬吾曹
饌間風味天廚貴座右吟情大將豪
十載金鑿慚素食九秋飈館壯據毫涓
聞賴有囊中句回首秋巒月已高

再呈孝侯并次伯寅原韻 前作不次韻

右手持盃左手螯不應平日感風饗
清遊勝地同簪筆佳節重陽待買糕
金關曉寒聽漏永玉關秋戍念民勞
要知宵旰廛宸慮沛上歌風陋漢高

南苑扈 蹕雜詠和伯寅作

瑟瑟西風肅柳營翠華南獨閱神兵
六軍鼓舞天恩厚

共慶秋陽十日晴

校獵圍場競奪標騰驤七萃馬蹄遙笑他困獸猶思鬪應
懾天威不敢驕

采旗遙指博山鑪扈 蹕詞臣樂事殊數典博君同一笑

十三篇是舊兵符

離宮風景數團河金碧樓臺點綴多絕似西湖形勝好蓬
萊佳境在煙波

虬松紺宇綠參天寶鼎摩挲順治年良冶精金並超絕焦
山古鼎不須傳

望衡對宇喜盈眸容膝渾如陸地舟最是綠陰低亞處十
分秋色在營頭

祁世長字子禾山西壽陽人咸豐庚申翰林由編修官

至工部尙書兼管順天府府尹 予諡文恪

四月朔遊西郊南北淀有作

西郊芳淀水如天榆火纔新并石泉人老易增春暮感客
閒且作地行仙招邀勝侶尋花外牽引愁心到柳邊野仲

遊光何狡獪也隨車馬逐風旋

書所見也

王氏園林何氏莊

南淀王姓北淀何姓

山爲縣蔕樹爲牆田疇開處

心偏遠租稅完時樂未央躍水巨魚思跋扈浴波野鳥避

游航十年兩度西湖上令我評量潁與杭

潁州杭州均有西湖余均往遊

己丑元日試筆

先春三日已春來寒燠乘除有是哉煖借竹罏茶沸鼎醉
吟石銚酒傾杯麥苗南陌參差見花信東風吹第催早晚

海王邨店路游人車馬踏塵回

述病感懷

有序

戊子歲九月末卽患頭暈月餘始愈再發更劇屢
瀕於危前後幾四閱月歲除春轉幸獲再生然頭
目仍日在雲霧中也拉雜寫此不自知詞之冗矣
日飽兩盃飯夜眠七尺牀問君胡不足日夜心徬徨徬徨
爲何事病勢殊未央權輿非無由聽我言其詳嚴廳撼庭
樹九月始肅霜起居偶不慎遂迫秋風涼愴然自啟發重
劑投椒薑居然一汗解擣虛如批吭家人忽遭疾中夜披
衣裳又爲寒所中風眩殊踉蹌仍昧選醫藥自恃身體強
兼旬在休沐仰戴一再蒙恩德洋恩賞假竊思曠官懼僇勉趨
朝廊詰朝故舊家吉事占有祥往賀禮無缺久疾頓相

忘豈知機暗伏再發不可當鑪炭澀冷煙頭目劇變創縱
由外熏鑠內引竇難防目見火灼灼耳聞波浪浪屋宇遽
欹倒人影隨低昂閉置帷幄中恍如乘野航闖闖竿與旂
彷彿摧風檣此身成傀儡跬步人扶將幸賴心性明默誦
聖賢章靜定了無恐欽此魂飛揚舉室驚悸中進以三汁

湯

梨汁蘿蔔汁
薑汁最開痰

歐吐口流涎痰湧雜水漿無心合醫法此

法名倒倉一臥十晝夜世事隔茫茫居者不安居行者不
忍行急急行李肩料理尋青囊京師萬人海振袂談歧黃
敬延素所習爲我箴膏肓或云滋腎陰或云潛肝陽或云
疏氣滯或云開痰臧或云斂肺金金斂木不戕或云補真
水水足火乃藏肺腑不能語議論誰爲良可憐蒲柳姿重
煩盧扁方豈無鍼與灸古法今俵俵亦多海上奇未達不

敢嘗纏緜久不瘥勢如鶴退翔計時兩月來不登清肅堂
同僚每矜諒撫心實慚惶抗疏狀直陳排雲呼 九閭迺

蒙

雨露恩錫以日月長更不責廢職

溫諭回春光

冬

初十日請假一月又續十日十一月二十一日假滿仍

不愈再疏請 派署缺蒙

恩未允仍給一月假期

小

臣復何幸交涕敢不覆戚友憐我衰旦夕來相望稱疊拜
嘉惠苓朮兼餼糧更有遠書至摯誼逾尋常惠我醫藥資
懇懇齋輕裝環念平生親感歎心內傷我本麋鹿性謬登
仕宦場比年長風憲無所振紀綱外覩時勢艱沈慟迫中
腸撼樹笑蚍蜉當車恥螳螂力小而任重可笑不自量一
身何足惜萬姓且羸羸但願和緩出治理斯民康吾生得
優游扶老還故鄉方山何蒼蒼壽水何泱泱歸來兮歸來
敬哉梓與桑

高心夔字璧相江西湖口人咸豐庚申進士官至江蘇

吳縣知縣有陶堂志微錄五卷

中江李鴻裔爲之刪定

漢家四首

漢家新樂舞雲翹酒醒丁沽萬里潮尺二嫚書鳴狗彘五
千棲甲卷蟬貂當關已哭歸元將抗疏猶爭辨色朝幾宿
賢良門下直落槐如雨送吟聽

水斷盧龍八月冰寒沈毳帳夜生稜郊人聚柝田無燭堠
吏迎鑿馬不騰壁月瓊枝空耶第銅牙砮矢在園陵六宮
休惜蒙霜露羈旅乾坤數中興

何處郎官碧血封金屏池上火雲彤遙聞斬使非軍志豈
憶修防有國容北鄙秦師驕鄭賈南征申伯痛周宗懷柔
事事千寬政恩澤千秋溢賜鍾

嶧路蕪深四十年翠華光動舊山川鑄成精鐵籠車轂割
與流蘇飾馬馮迅鼓懷皮驅豕野還羅豹尾待甘泉館幽
營維非常計七誓雄規日麗天

中興篇

冲皇受賀朝明堂國有元老平南疆鍾山九隧迅雷捷掃
穴萬馬眞龍驤五年荆襄畫地勢一旦揚越通天光遂連
長圍舉京觀轉策飛將窮飄颺假息周星不更貸長鯨短
狐從滅亡景風協律開慶典亞相金印題紫囊介弟蚪服
最輝映次列圭璧銘鍾旒采薇采薇詠未已汰遣部曲耕
資湘別留滕臆置十鎮率然首尾江防峻侍郎威略湖海
知霆車轉戰兵無頓七閩督師匡復才西征夙將宏農備
尋常躡屨牙嶮間開府建圻對昌運肥淮壯士起中原一

族平吳竹當刃交致太平武定亂王民執虜同虎奮北塘
要盟我所銜入城白帽猶犯順桎梏應歸黃髮翁艱難念
自先朝進文宗詒謀深且奇默禱申甫當傾危翰林潘
卿諫台趙薦疏但入皆領頤侍臣故有造膝請首贊大計
承疇咨口銜兩江授楚帥所爲社稷它何知烏虜受遺左
軍桀倏忽謀逆丞相斯君親無將與眾棄不濟則死忠成
欺國家除惡方務盡功輕罪重誰敢疑謬哉區區擲要領
不睹告廟分封時况論成敗雖人力亦喜神明扶正直當
時曲突豈與賓此日登壇動高職垂瘍將士勛業雄嘗膽
君臣憂辱極范燮陳詞戎馬前葛亮抗表禽蠻役吾皇
治統茂康宣紫光劍佩新顏色臺輔宜宏退讓風法官日
養恭儉德鳳鳴河清莫虛致普天率土還耕織人生有命

佐中興明愨兼垂後賢則

題夏明府變中西紀事

灌嬰并動春潮惡
庾亮樓空夜雨昏
有客閉關憂社稷
看君揮筆隘乾坤
舍人謂邵陽魏源海國諸圖在使相
江防一疏

尊好共此編參緩急兵形今古判堂門

嚴 鈞字迪周浙江桐鄉人咸豐辛酉拔貢官廣西左
州知州著有香雪齋詩鈔四卷

感事

節鉞名高舊史官丁年冠劍獨登壇石頭功未收王濬江
左人猶望謝安東國酒漿爭載道南樓風月幾憑欄重經
細柳營邊路夜雨烏啼萬幕寒

鍾阜沈霾黯不消頻年烽火逼金焦帆飛極浦千艘涌草
長平原萬馬驕將略未應輕向籠威名猶共震張遼可憐
幾輩經營力付與江頭一夜潮

吳淞口弔陳忠愍公

妖烽煽焰燭天紫呼嘯鬼聲白晝起鸞輪快若并州刀直
剪吳淞半江水公時移節來江南大勢聚米軍前談敵人

畏公謂公虎

夷人從千里鏡中照公爲黑虎

虎目視敵光耿耿鯨魚跋浪

滄溟湧壓陣壞雲如墨重時危戰苦天地愁高坐層臺兀
不動援師已絕公掣肘公怒張髯作虎吼見危授命眞男
兒北望涕零九頭首一星芒角墜軍門六射鬚眉成木偶
生竭臣心死報國遺骸七日蘆中匿僧廬函骨面如生猶
若揮刀呼殺賊 朝廷下詔褒公忠當時誰與公心同願
此么麼小醜耳公在豈獨全吳淞可惜當時惟一公

揚州感舊篇

北風捲水水波涸赤燒連雲白楊落推篷瞥見女牆來知
向維揚城外泊維揚自昔繁華地聞說竹西盛歌吹煮海
類刊鹽鐵書采風爭寫煙花記一自曾盧出使軺憤將鍋
子把金銷修成天上二分月裝點人間廿四橋樓臺歌舞

昇平好看花更勝長安道北海樽開顧阿瑛南山絹裹王
元寶蘊利從來醜禍胎馮夷煽燄過江來真縣中烏化爭

飛去城外靴尖怕趯開江郎垂老才華盡只學張公書百

忍金繒潛向契丹輸羅錦卻邀回紇允微倖東南半壁安

金多始保此甌完葫蘆粉本重描誤瓜種黃臺再摘難石

城一夕驚鞞鼓癸丑掃蕩鶯花十萬戶爾輩都成褚彥回此

時誰學韓擒虎烽火相看二百里中隔一條衣帶水臨陣

蕭娘舊有名談經祝媪真無技天子臨軒策上公輕車

新拜未央宮聞說衛青重作將誰知魏絳又和戎餌敵謀

成翻縱敵徧地瘡痍慘鋒鏑信有開門揖盜來那能抱石

撥人溺一場草穀打空空三月阿房火未終勢成岫虎愁

雲黑殃到池魚毒饑紅家家痛哭曲江濱處處荆榛色不

四庫全書
卷之三十一
三十一
春海上燕歸巢樹木遼東鶴返失人民轉眼滄桑十年後
昆明猶贖劫灰否蘼蕪苑廢鬼吹簫瓦礫場寬僧賣酒風
光空自思前度新城司理班春駐金迷紙醉竹枝詞光沈
響絕蕪城賦漢使樓船駕水行耳邊風鶴已無聲江山會
見仍如舊何日重令白骨生

送鹿滋軒司馬

傳霖入覲

蕊榜才名海內傳望風私羨玉堂仙君爲玉不圖作吏來
成庶常邊徼及見先生尙少年薦牘功多邀鳳諾御屏恩

重紀蟬聯相期萬里瞻天去五馬重臨執蹀鞭

壯志蹉跎鬢漸絲阿蒙吳下本青癡不將高閣輕殷浩偏
喜逢人說項斯桂海雲帆催去鷁旗亭風笛愴離卮京
朝師友如相問爲告窮愁未廢詩

昌城拜前明王文成公粟主

勲業文章曠代稀，思田遺愛淚爭揮。
承歡堂構雙貂珥，處士許璋調山林一布衣。
黃閣酬庸兼將相，紫陽後學任褒譏。
臨風尙有遺芳挹，牆角梅花屐亂飛。

二月三日至左陽署任

細雨吹珠上碧桃，平隄草色豔宮袍。
地開遙徼風猶古，官到深山氣不豪。
尸祝何妨嘲越俎，割烹先爲試操刀。
負他父老郊迎意，百里銅章亦濫叨。

州有虎患，予爲塑虎像於堂右，祭而祝之，作祭虎詩。
良吏德化神虎，皆渡河徙，遺風非可幾苛。
政况比比左陽，本荒服改流，始明紀時在正德間，尙未設城市。
山君肆爪牙，搏噬及生齒。周公性剛，方爲文授，祝史至誠，信感神凶。

頑遂帖耳

前明州牧周公諱墨發兵捕虎自投城下殺之

安堵三百年雞犬無驚

矣因觀黃巾厄

咸豐間

都邑遭殘燬荒墟荆棘多虎穴復生

子幸占不怪人垂涎覩羊豕風濤雨晦中嘯聲震遐邇鳴

鉦聚眾呼秉炬乘夜起

或云虎畏鉦聲及火光

一官忝牧民高枕實

深恥罔乏卞莊勇暴無鄭叔技信不及豚魚奈此耽耽視

繫惟小於菟有神爲驅使迎虎詳禮經會與貓並視三楹

廳事旁搏土取形似醴甘牲亦肥祝神常醉止當學南山

豹隱霧養文理毋借長橋蛟作威禍鄉里爲政戒張皇無

形庶消弭上荷皇天慈下貽子婦喜作詩告來者像設勿

輕毀雖蹈媚竈嫌尙通祭蜡旨鐘鼓享爰居莫訥臧孫氏

馮婦攘臂形下車笑多士

張亮基字采臣號石卿江蘇銅山人官至雲貴總督宣
統元年 予謚惠肅

戍臺感懷四首

一載投荒去復回雄心磨盡幾成灰諸君若問新詩本飽
看居庸疊翠來

黃沙無際陣雲高塞外荒寒地不毛一曲胡笳拚一醉血
痕猶染舊征袍

國步艱難憂思催鬢華贏得雪成堆健兒已歎東征盡羌
笛何堪日暮哀

重到明湖憶舊遊簡書况瘁敢勾留收篷轉舵無消息飄
泊天涯不繫舟

贈友三首

萬里天南得遇君清談逸興氣凌雲披圖夢繞關山月不
羨當年宗少文

趨庭廿載駐桑乾曉月盧溝興未闌薇閣簪毫曾草詔不
知身在五雲端

迴首湖湘我舊遊漫天烽火使人愁梅花玉笛今何在惆
悵江城黃鶴樓

蕭廷舉字采臣江蘇元和人官石景山南岸同知因大
汎搶險身歿 贈太僕寺卿銜有詒癡集四卷

元夜埽先大夫墓述哀

奠酒三杯芻一束墳前血淚灑衣襟死生永隔重泉路霜
雪摧殘寸草心寒夜鶻聲啼細雨荒郊燐火閃空林魂歸
華表如何日廢卻莪詩直到今

哭總統張公國樞二首

國士鷹揚日長江虎負辰風雲眞際會魚水感君臣功烈
昭千古安危寄一身伏波終襲革宇內泣烽塵
碧血流千里乾坤苦戰爭英魂先去國天意不休兵波撼
中流柱石沉大將營鯨鯢猶未戮誰復作干城

叔父仲呂公闔門殉節詩

公諱鏞璜夫人郭氏子清
棟女二姑三姑同自殺

陰風陷陣陣雲黑陽鳥掩匿愁無色健兒快馬疾如飛先
殲城南後城北蠢爾癡愚長跪路衛挺擊鞭驅忍死須臾
吁嗟乎丈夫不死節鬚眉先自羞豪傑巾幗何由揚義烈
心如鐵生死決電光掣刀飛血頭斷絕白刃折肝膽裂音
容滅吁嗟乎丈夫不死節鬚眉先自羞豪傑巾幗何由揚
義烈試問當年狼奔鼠竄是何人間說昂藏七尺宰官身

詠史二十韻

咸豐庚申作

文德推華夏朝宗萬國同乾坤定一劍宇宙仰重瞳茅土
修方物宵衣省厥躬開邊防黷武柔遠出和衷不料冠裳
會翻成鳥獸叢黃雲藏毒霧白日貫長虹玉輦辭京邑銅
駝守故宮陰燐晨暈碧烽火夜流紅倉卒干戈逼蕭條井
肆空炫屍犀革裏威馬虎皮蒙水沸鼙鳴鼓霜凝雁避弓

金刀寒吮血鐵騎亂嘶風奮臂瘡痍起椎心勢力窮燕丹
終報主魏絳解和戎慷慨鴻門宴辛勤舌戰功當筵排劍
戟失箸陋英雄奇貨千年市飛輪四海通鷹鷂歸塞北蠶
食及江東但得廷臣佐何難國本充憐他天寶末楊李繼
姚崇

蘇臺怨有序

庚申四月金陵兵潰督臣某山毘陵退至蘇州撫
臣不納遂遁去十二日夜半蘇城陷撫臣投池死
撫臣守督臣走毀棄冠袍易姓名白衣變幻成蒼狗督臣
走撫臣守翩翩戎馬一書生佩印黃金大如斗五更鼓角
軍門開新兵教戰合重圍棘門灞上眞兒戲木槌長竿耀
武威紅巾鐵騎如風駛揚鞭齊向江東指待得營中部伍

齊豺狼已入城西市坐把金城付賊人空將一死酬天
子封疆大吏殉君親誰殉封疆守土臣肯與吾民堅戰守
小民視死如輕塵撫臣握要司關鍵城亡猶議旌忠典金
閭亭畔建專祠七尺穹碑蝕苔蘚撫臣廟食享千秋祠旁
怨魄聲啾啾

邊詞四首

卷三

城上旌旂築受降黃雲籠罩碧油幢蒼茫落日西風裏絕
塞長天雁幾雙

草長沙平兔正肥元戎小隊去如飛今朝破敵歸來早更
向陰山獵一圍

百戰沙場膽氣豪涼州一曲醉蒲桃醒來飲馬長城窟點
點霜花落戰袍

別怨詩

曲院重門深幾許幽蘭泣露寒蛩語洞房歌舞別承歡美
眷如花作伴侶秋河耿耿夜生涼零落芙蓉不復香銀燭
煙銷心自蕤銅壺漏盡夢初長妾心皎皎霜月白含情化
作山頭石

客述俄羅斯事因紀以詩

漠北荒寒草木凋提封萬里路迢遙雲埋沙磧朝驅鹿燈
覆秋林夜捕貂水道飛輪通八極巖疆峭壁插重霄微聞
蠶食鄰邦後歲歲宮人製戰袍

墮塔行

孝女彭詠春父爵麒任景州牧母歿柩停
開福寺寺有塔女泣拜母柩墜塔以殉

愁雲黯黯秋瑟瑟北堂護草風摧折入夜鬼車啼不輟聞
中心事冷如鐵蓋棺一慟腸迸裂紅冰斷續眼流血血盡

淚枯聲不出殘喘微沈氣嗚咽昔年割臂療母疾今年封
股母病歿恩勤顧復精力竭烏私反哺心悲切泉路茫茫
從此別母女死生永決絕曉來強起事盥櫛袖裏遺書乃
絕筆焚香入寺親禮佛浮圖矗天高突兀凌空一躍身飄
忽裙衫裊裊風中掣落花墮地眼一瞥髮膚肢體無殘缺
脫屣趺坐手按膝兩目微瞑口結舌癡頑婢僕咸股栗道
旁觀者爭稱述似恐後世名湮沒搜羅事實鐫碑碣我聞
父老相傳說此身但得傍母穴孝女此生事已畢翩翩跨
鶴上昇日坐地委化如解脫塔上祥光夜不滅天花繚亂
飄香雪

陸懋修字九芝江蘇元和人有嶺上白雲集八卷

鳳石相園

師之封翁柳商賢作序謂先生少卽能詩年四十僅以明經需次州佐又值寇氛境遇之窮一發於詩

早秋

一雁下汀洲飛去尙留思歸常倚棹望遠獨登樓海上
賊猶在江頭兵未休庭風吹落葉又作去年秋

湯雨生都督輓詩卽用絕命詞原韻

諸將還軍日孤臣效命秋晉惟知退舍秦不用吾謀斯世
無宗澤何人識薛收梁山輕失險痛恨欲誰尤

父祖傳忠孝

乾隆丙午年都督祖及父均死林爽文之亂

天人敢怨尤家聲今

克繼忠骨問誰收不負沈舟志何須擊楫謀波濤看怒湧

此水亦千秋

此首倒用前韻

村居雜感

大川欲濟笑無舟克敵何人築武邱營裡樓臺都入畫軍
中粉黛不知愁一時技擊皆貂尾終古英雄屬虎頭莫羨
長江波浪闊不知冷眼有沙鷗

回首江頭戰血殷愁雲漠漠雨潛潛寇來自落千尋鍊險
失疑平兩岸山鑄佛太多金已盡補天存術石皆頑直須
請劍舒孤憤誰叩剛風上帝關

阡陌平除作戰場連村無寇孰披猖投繯婦女成家瑞寘
巷嬰兒亦國殤豈有收京借回紇更誰助餉到睢陽諸君
學得無情法看盡流離不斷腸

全師河上自逍遙在路弓旌肯見招自是軍容皆霸棘豈
眞敵勢似符姚烽煙蒿目纏三歲花柳何心問六朝知不
五湖最深處怒騰還有子胥州

彭玉磨字雪琴號退庵湖南衡州人諸生官至太子少

保兵部右侍郎 賜諡剛直有詩文集

六十自壽詩

八首錄五

無才無學信多愆虛度人間六十年道義難擔肩瘦削詩
書大負腹空便功名忝竊叨先德事業相承望後賢未與
子孫遺孽果可容勉著祖生鞭

激昂慷慨與誰同疏薦深慚烈士風

會文正初薦磨於朝有激昂慷慨烈士風

之夢醒黃梁成兩世祿辭白粟屢千鍾

力辭皖撫漕督兵侍開缺所有廉俸

均不敢受

奏

君恩未報心空赤母訓難忘淚暗紅勉勵豚兒

無別語詩書謹守莫憂窮

不會換酒有金貂遣悶時將麴友邀駒隙虛拋慙六秩鴉
班忝列愧三朝病如野草春長發質是秋蒲日見凋無那

心懸風鶴慣銅龍頻聽滴通宵

在軍廿餘載每夜不敢熟睡今雖無事亦不能眠內

疾之極苦境也

江上年年按部看愧無經濟挽迴瀾虛聲空盜羊公鶴隱

迹深慚梁伯鸞

僕以老病乞歸田里猶奉每年巡閱長江五省之

命惶悚實甚

不願田

園留富厚從來家世本清寒

親友每勸增辦香只祝民康田產遺子孫

樂海宴河清一枕安

自信無能拙鈍才那堪戴儘徘徊一生辛苦愁中過萬

事滌洞枕上來度隙白駒時迅速伏轅老馬日虺虺閻羅

包老如相約卽赴賓筵不待催

朱在勤字次民雲南石屏人官四川補用道有知困書

屋詩集

丹木方伯
巖之子

臨行述懷兼別里門諸子

甲子四首錄二

未許山林畢此生南風策馬事長征人情詎忍辭鄉里天
意何曾厭甲兵剜肉補瘡矜體健積薪厝火說時平吳中
張翰真堪羨坐飽鱸魚得美名

清言安石慚人望美譽深源昧事宜只合墊巾閑散處那
堪挾策戰爭時春過別樹花猶戀風撼危巢鳥更移取笑
家山舊猿鶴蒲輪徵不到邊陲

寇至寇退二首

壬戌年作

東人如怒濤東門如壞堤濤怒不可遏堤壞焉能支戈甲
耀白晝半城而據之我寓偏西南召客方傾卮驚僕犇告

變客散秋葉飛獨往白當事三營猶我師曩昔民互鬥左
袒官不宜今作腹心賊除惡官當爲初至壁未堅攻擊反
此時彼聞色屢變但道事可危一日三五番遣人通和詞
幣重賊不退清淚隨聲垂平日矜智計臨事無設施吁嗟
此重鎮蒼天將付誰

右寇至

下手風雨快雷霆助奮擊矯矯梁將軍計決無勅敵將戰
酌大斗酒酣猛氣溢身先冒白刃人人致死力我兵箭脫
弦彼陣卵投石庖丁解牛羊百不一竄匿殺聲竟秋夜煙
霧四充塞天明視城闔戶骸相枕藉火攻出不意聞風退
援賊瀘江又清流血腥日洗滌太息謂官吏帷幄早畫策

右寇退

徐鴻謨字若洲浙江仁和人諸生官至署揚州府經歷

兼理清軍府同知有蒼荀花館詩詞

花農前輩琪之尊人俞曲園

師序云先生雖沈淪下位而文采風流足紹文穆文

敬之家聲落拓一官遭逢離亂故所爲詩多王郎拔

劍斫地之感亦有離騷哀怨美人香草寄託之辭

題張海門太史梧葉秋聲詞集卽送南旋

淮陰城下風蕭蕭清霜碧月供無聊千里索居苦岑寂酒
痕灑向青衫消客從天上來失喜動顏色握手大笑不得
言此意旁人應不識茫茫海上三神山卻憶奇境非人間
安期先生不可見蓬萊道人何時還羨君珊珊具仙骨獨
闢雲路超塵寰相逢一尊酒匆匆莫揮手文光十丈將南
走他日重來相見否酒酣示我詞一編滿紙秋聲香在口
君旣鏗龍瑤瑟張我請相從擊瓦缶周柳不作徒千秋花

閒豔語何人收後來正宗有朱老新城勁敵堪與傳吾鄉
先哲老樊榭亦復吐宮囁微空雙眸此卷沈吟百回讀一
字一珠看不足安得瑤池重召董雙成玉笙爲譜還鄉曲
臨歧歌促聲不長送君殷勤思故鄉平生作詩不就律看
取筵前舞袖徒郎當

贈梅春江

汝元

舊日騷壇早擅名文章詩句兩縱橫鴛湖秋雨勞人夢邗
水春風異地情君自才華爭杜牧我方詞賦怨飛卿相逢
不用思鱸膾旗鼓同張許訂盟

題沈鹿坪西涼紀行詩

驛路迢迢唱渭城陽關西出共心驚眼無秦塞二千里胸
有淮陰十萬兵

君長於辭略酒酣
拔劍議論橫生

健筆登壇誇老將奇詩

放膽傲名卿我來快讀續堂句也抵西涼躍馬行

送玉溪幕遊山左

橐筆他鄉望九州南船北馬豈相謀行蹤燕雁殊難定生
計錐刀苦未休谷永論交文字重禰衡懷刺弟兄愁江湖
浮梗閒雲幻不賦登樓莫上樓

和子上韻

森嚴寶帳萬重開風捲魏城十丈埃事到臨危需定識時
逢撥亂重眞才未從虎觀談經去且握瑠戈殺賊來極口
長江天塹險埽除魑魅待風雷

生日舟中偶感

駒隙流光四十年一經回憶總淒然科名金榜悲羅隱書
畫瑤緘愛米顛入口飄搖慙計左半生孤憤悞從前孤軍

獨戰千羣賊此際何人共著鞭

吳魏渠圍太守

妖氛百丈起機槍千里長江作戰場十日艱危臣方盡
揚秀清二月初一日率大 一門忠節士心傷賊股攻城甚
賊匪攻城初十日城陷 賊大入 街鬚温序泉臺恨碎齒
禦初十日儀鳳門失守 賊皆殉 陽史册光我有羊曇知己感西州門外淚千行

附錄若州先生事實

先生秉性忠憤好兵家言官揚州日仿古製造輪機
連臂弩以為守禦又自練忠義一軍咸豐戊午賊再犯
揚州太守命他人將之僅餘五十人付先生與賊迎戰
先生奮勇直前手斫黃旗賊目數人賊稍卻退旋合圍
困關施火鎗甲先生右目又刺以矛後遇救得甦以目
中鉛丸墜出竟致不起光緒丁未奉 命入祀江浙兩
省忠義祠 賞 世襲雲騎尉

蔣春霖字鹿潭江蘇江陰人官鹽大使有水雲樓詩稿

以詞名咸同間譚獻云咸豐兵事天挺此才爲倚聲家老杜金武旃謂卽以詩論亦神似少陵

冬柳

營門風勁冷悲笳臨水隄空盡白沙淡日荒村猶繫馬凍
雲小苑欲棲鴉百端枯苑觀生事一樹婆娑感物華昔日
青青今在否江南回首已無家

萬派商聲竟寂寥石城落葉下寒潮天留枯樹銷殘劫雪
作飛花送六朝南雁于今沈信息東風何日舞苗條行人
莫問長干路太液荒涼恨未消

廣陵重艤木蘭舟刪盡濃陰古渡頭錦纜牙檣非昨夢輕
冰小雪換春遊數聲羌笛吹寒月一角荒城壓亂流何處
相思許攀折冷煙淒斷十三樓

當時張緒減清狂，抱得冬心亦自傷。
古鏡暗憐殘髻影，舞衣羞逐少年場。
燕鶯去後閑情嬾，雨雪來時別路長。
轉綠廻黃總無定，漂搖原不怨東皇。

壬戌中秋

露席風燈亂塵宵，步屨香酒懷乘月。
散遊與得秋狂，記贈支機石親嘗。
白玉漿廣寒仙樂，竟無夢達巫陽。

風景前年異，傷心此夜多。
有人臨水榭，猶喜看星河。
涼信霓裳冷，秋聲月佩過。
瓊樓歸遠近，仙桂老巖阿。

莫信姮娥約，青霄與鬪寒。
可憐重離別，長負此團圓。
我欲乘槎去，仙乎挹袖難。
惟餘孤鏡影，霜鬢帶愁看。

碧落沈無信，朱顏去不留。
忽傳千古事，能閏一輪秋。
是年閏八月

月可許排雲下，料將跨鳳遊。
長生靈藥在，攜手傲滄洲。

嚴鏡清字心如浙江桐鄉人有三十樹梅花書屋詩文

稿年少多才夙懷壯志成豐庚申
粵匪擾浙在鄉練團積瘁而隕

廣陵禱詠 一百首錄十

二分春色到花朝湖上輕寒泥未消三五少年金勒馬爲
看芳草到紅橋

瘦西湖水碧如煙最好嬉春放畫船女伴共誇髮樣好浪
紋細碾太平錢

邗上農桑址半傾門前猶有芰荷生茫茫一片花如錦時
聽菱歌唱晚晴

習習南風起暮潮乘涼最好五亭橋釣魚艇子垂楊岸有
箇雛鬟弄玉簫

太息城隅舊舞場祇餘芳草繞迴廊而今不唱迦陵曲尙

說當年冒辟疆

秋風八月史公祠黃徧中庭桂幾枝一代衣冠三尺土有人研淚寫新詩

平山堂上眞清絕四敞軒窗秋影涵到眼峰巒青一抹滿天煙雨望江南

乍肥霜蟹九秋天楊柳湖堤籠暮煙遙指傍花村上路紅黃紫白菊成田

一寺棲靈鎮蜀岡更無香火冷僧房迴廊剝落仙人筆墨影模糊認粉牆

十年夢醒杜樊川回首繁華去若煙一曲琵琶兩行淚也如商婦說當年

嚴錫康字伯雅浙江桐鄉人官江蘇候補道有餐花室

詩詞稿

林胡二文忠知契最深胡公序其詩謂於金戈鐵馬之中吟詠不輟洵龍吏而兼詩人

淮陰釣臺

布帆無恙渡江來憑弔淮陰舊釣臺未遇英雄須忍辱非
常巾幗解憐才漢廷勲業空流水楚國河山付劫灰爭似
富春高臥穩客星常照白雲隈

夜過德州

燈火微茫出戍樓北來會記此停舟人歸故國三千里路
入青齊第一州古堞煙凝鳴畫角寥天霜冷逼征裘水程
山驛閒吟徧許邁真堪字遠游

游黑龍潭

空谷鎖寒煙夕陽挂高樹清泉竹間鳴晚鐘林外度潭水

止不流羈戀散輕霧游鱗千百頭鼓鬣得真趣瓊樓高出
雲石磴許聯步古梅堦下蟠翠柏窗前護黃冠淡俗情丹
竈惜塵汚小憇欲忘言歸途日已暮

永甯城外登舟至瀘州

荀輿行盡十三郵古渡重呼一葉舟

自黔至此計陸路十三程

飛瀑白

分崖頂樹夕陽紅浸水邊樓全拋骨肉成孤客幾度巴庸
作勝游放棹中流風色好擬攜樽酒酌曹侯

此河爲明景川侯曹震所開

秋夜有感

索苦襟懷酒一觴萬山羅列色蒼蒼秋從樹杪參差見夜
向蟲聲次第長殘月有情琴薦冷故園無夢被池涼風吹
幾陣南飛雁不戀家鄉戀異鄉

周騰虎字韜甫江蘇陽湖人諸生有殫巧華館詩集入

卷詞一卷別有文集行世曾文正薦舉人林疏中有云周某疏通知遠謙趨宏深堪勝封疆將帥之任然卒以數奇不偶資志以歿卒於同治元年詩集以括字版印於光緒癸巳年

二哀詩

翰林院庶吉士鳳臺縣知縣李先生

兆溶

四海八荒望大雲秋風蕭瑟辭寒隴飄飄總帳懸河汾星
辰日月皆昏昏嗚呼公識江漢濯嗚呼公德秋陽暴惟公
當代知言選公喪微言竟凋落猗歎公學非辭章百川萬
派趨溟滄胡爲揮手歸天閭坐使後學迷津梁傷心芳茂
山前路宿草寒花春日暮天涯弟子尙漂泊何日歸來築
場墓憂心悵悵念鄉國洪趙孫黃數前哲晨星零落尙寒
月滄海橫濤竟蕩涌坐恐風流遂消歇後死何人振衰絕

嗚呼天欲喪斯文痛哭江皋望白日

升湖北臬司江西吉南贛甯道外舅趙公仁基

虔州城下江波長虔州城上秋雲荒雲旂翠蓋紛翺翔
崑山色橫蒼蒼媿媿兩孤皆弱齡授讀纔得窮一經楹書
石劍愁漂零傳家那有黃金簾嗚呼公德世所望尺書所
到齊倉皇天下豪俊應失聲邦國殄瘁人之亡如可贖兮
傾百夫招魂直欲窮四方西州故人淚沾臆百感茫茫念
疇昔扁舟乃與歸殯俱橫雨狂濤滯江楫天涯芳草又寒
食浩蕩流波送斜日歌殘薤露望暮天慘慘風雲忽異色
尙聞海國煙塵接翼軫機槍又橫出廟堂飢渴仡蕭葛
嗚呼公志豈衰歎何不歸來除盜賊

別里門有感

暮雲弔舸赴天涯
瑟瑟秋聲滿荻花
落葉寒燈人卧病
秋風暗雨客辭家
鏡痕窺夢依然在
帆影橫江漠漠斜
一望鄉村重惆悵
寒林萬樹繞風鴉

帽影靴絲織袂塵
春鳩秋燕與逡巡
但持議論驚流輩
臘有文章慰老新
客裏年華憐棄擲
愁邊意氣易輪囷
鱖魚名膾蘭陵酒
且飽尊前現在身

臨水登山感慨非
不堪愁抱對斜暉
中原北望洪河急
鄉國羣憂海水飛
路險思迴邛坂轡
時艱難息漢陰機
學書學劍人垂老
太息人間萬事違

長路甯悲惜別難
蕭蕭木葉下江關
放舟落日蒼茫後
策馬中原浩蕩閒
苦乏長繩羈白日
思尋奇士去南山
仲宣隕盡登樓涕
假寐怛怛向夜闌

借郭筠仙赴杭州方子白枉詩相送原韻奉答

乍乘秋水至又逐朔風行
道路交朋重關河去住輕
靑嵐翠合浩白渚煙平
惻悵迴帆地多君送遠情

雄譚何益落猶足張吾軍
病乏三年艾衰餘八代文
廢興誰獨立流別實難分
六籍懸天壤惟當尊所聞

君善爲古文

遙植愁淮橋封書盼驛梅
警宵嚴鼓動送抱急觴開
戊晚征懷惡天寒暮景催
河梁風雪地攜手重徘徊

祀竈日舟次弋陽四疊感懷韻示郭筠仙編修

歲除六日又天涯藥裹書囊
卽算家大澤曉烝龍氣潤晴
空遠市雁行斜靈談難喫
焚旗火仙券空期塞井沙
索笑江梅太無賴坐看流水
送年華

頻年寂聽榜人歌久罷封書
答李那塵鞞北風迷紫陌雲

扁西崦閉青蘿瀨遊從從勞魚苦林翥冥冥逸翮多安得
雲霞張高宴盡招玉女酌紅螺

菹膾羣書列太牢手揮漢魏劣莊騷渾淪元氣于闐玉凌
亂寒光大食刀溟戲會通銀渚浪嶽遊尙有崛閣高文章
後死吾徒事何取併優笑胡舉

新亭流涕異河山皮骨三年試險艱撥亂宜迴明主夢憂
時轉益寸心孱地偏日月時無力江右冬日和煦天戰龍蛇鬪未

聞且喜屢豐仍兆歲遙看雪意逗雲顏

左季高太常宗棠以題孫侍講蒼筤谷圖詩見示卽

用原韻奉贈

銅川學術天下知門羅將相材尤滋洞觀今古得至道與
物宛轉爲大規橫流四海豺豕偪雖有隆中卧不得起驅

龍虎靖風塵奇正無方出胸臆我求聲氣走千里漫刺猶
餘袖中紙披雲撥霧上星辰元氣渾渾正如是勝兵百萬
來湖湘彎弧勢欲頽天狼合軍伐謀絕詭秘誓師陳義何
皇唐嗚呼苗頑蚩亂唐虞咨帝聽勿遺鯀寡辭願公一德
輔天子吾道不爲天下危天上幾槍尙如帚帝夢大風
烈吹垢秦階干羽文軌同擊賊何須用手口